



KOMUNIKADO PA PRENSA

Fecha

21 di ougùstùs 2014

Account Manager

Jhanirha Anita

Email

jhanirha.anita@gobiernu.cw

Nr.

SERVISIO METEOROLÓGIKO KÒRSOU ORGUYOSO DI 2 KOLEGA RUMBO PA HULANDA PA STUDIA METEOROLOGIA

Willemstad - Dos kolega nobo di Servisio Meteorológiko Kòrsou a biaha pa Hulanda ku un asina yama 'studieopdracht' kaminda nan ta bai studia meteorologia na e base militar na Woensdrecht.

E estudio básiko aki ta parti di e formashon esensial pa por bira meteorólogo. Esaki ta e promé paso den e proseso di formashon. Total e estudio aki ta dura mas o ménos 8 luna i despues ta sigui un 'stage' kòrtiku na Hulanda mes. Servisio Meteorológiko Kòrsou ta traha huntu ku Instituto Nashonal Meteorológiko di Hulanda (KNMI) pa hasi e estudionan aki posibel pa asina forma nos yunan di tera.

E dos personanan ku ta bai studia ta Charlon Vrutaal i Denrick Rombley. Minister Balborda huntu ku henter su ministerio ta deseá e kabayeronan aki hopi éksito den nan estudio.

**Riba e potrèt por mira d.l.p.r. Charlon Vrutaal, Albert Martis (Direktor di Meteo) i Denrick Rombley.*